

INUIT ATAQATIGIIT

INATSISARTUNI



UPA 2014/136
19. marts 2014
Sara Olsvig

Kalaallit Nunaanni pinerluttulerinermut inatsisip aamma eqqartuussisarnermut inatsisip allanngortinneqarnerat pillugu Kalaallit Nunaanni inatsisip atuut-sinneqalernernissaannut Namminersorlutik Oqartussat oqaaseqaataat pillugu Inatsisartut aalajangiiffigisassaattut siunnersuut.

(Tarnikkut napparsimasut pineqaatissinneqarnikkut uninngasut aamma meeqqanik il.il. video aqutigalugu apersuisarneq pillugit Kalaallit Nunaanni tarnikkut nappaatinut inatsimmik atuisarneq)

(Ilaqutariinnermut Inatsisinillu Atuutsitsinermut Naalakkersuisuni ilaasortaq)

Inuit Ataqatigiinniit ataatsimut isigalugu naammagisimaarparput inatsimmi matumani allannguutitigut tarnikkut napparsimasut pineqaatissinneqarnikkut uninngasut naligiimmik pineqarnissaat annertunerusumik qulakkeerneqarmat, soorlu aamma meeqqanik video aqutigalugu apersuisarneq pillugu inatsisitigut tunngavissaqarnerulersugut. Tarnikkut napparsimasunut pineqaatissinneqarnikkut uninngasunut meeqqanullu kinguaassititigut atonerlunneqarsimasunut annertunermik iliuseqarnissarput pisariaqartipparput, inatsim-milu allannguut manna ilorraap tungaanut alloriarneruvoq pitsaasoq.

Meeqqanik video aqutigalugu apersuinerneq ataatillugu tusarniaasitsinermi Advokatit kalaallit Peqatigiiffiannit akissut maluginiarparput, tassa peqatigiiffimmit maluginiar-neqaqquneqarmat unnerluussaq videokkut immiussanik takunnissinnaanermut periar-fissamik politiiniit saaffigineqarnermini aatsaat qisuariangippat unnerluussap illersuisuanik ilisimatitsinissaq pisassasoq naapertuutinnigsumik isigineqartoq.

Inuit Ataqatigiinniit danskit inatsisaasa isornaateqanngitsumik assiliinnaarneqannginnissaat pingaartipparput. Taamaattumik inatsisissamut siunnersuummi matumani aamma aper-sueqqinnissamut periarfissat killeqarnerat qimerloortariaqarparput, tassa suliap ingerlan-qarnerani nunatsinni isorartussutsit unnerluutigineqartullu qanimut illersuisoqarnissamini ajornartorsiutitaqartitsinnaaneri eqqarsaatigalugit.

Aammattaq MIO-mit (Meeqqat illersuisuat) aamma Danmarkimi Børnerådimit tusarniaanermi akissutit misissoqqissaartariaqarivut isumaqarpugut. Taakkua tamarmik eqqartuussivimmi apersorneqarnissamut taarsiullugu meeqqat videot aqutigalugit apersorneqarsinnaaneritut ukiutigut killigitat apeqquserpaat. Taakkartorpaat nunani avannarlerni, soorlu Finalandimi, Sverigemi aamma Islandimi meeqqat videot aqutigalugit apersorneqarsinnaaneritut 15-iliisimanissaq killiusoq, Norgemilu 16-inut killeqarluni. Uanittaaq danskit aqqiisimanerannut, 12-inut killeqartitsisumut, ilaarsiinnassanngitsugut isumaqarpugut, tamannami inatsisissamut siunnersuummi allannguutissatut siunner-suutigineqarpoq. Siunnersuutigerusupparput Kalaallit Nunaanni killigitatissaq 15-inik ukiu-linnut inissinneqassasoq.

Inatsisissamut allannguutissatut siunnersuutip aappassaaneerneqannginnermini pineqartut taakkua Inatsisinut ataatsimiititaliamit oqallisigineqarnissaat kissaatigivarput, taamaattumillu pisap ataatsimiititaliamut ingerlateqqinneqarnissaa innersuutigalugit.

Kiisalu oqaatigerusuppara pisamut uunga immikkoortumullu 135-mut tusarniaasitsinermi akissutit taamak kingusitsigisukkut tigusiinaneri Inuit Ataqatigiinniit naammaginar-

tinginnatsigit. Aatsaat sapaatip akunnerani matumani tusarniaasitsinermi akissutit kalaallisut tiguvagut.

Aammattaaq inatsimmut allannguutissat Folketingimi siullermeerneqa-tussanngortinneqarsimapput, massa suli Inatsisartuni allannguutissanut oqallisiginninnissamut periarfissaqarsimanngitsugut, aammalu tusarniaasitsinermi akissutinik kalaallisut takunnissimanatalu suli naliliinngitsugut.

Soorlu inatsisissat Inatsisartuni Folketingimilu suliarineqartussaatiillugit naapertuunerusumik ingerlaaseqarnissamik danskit naalakkersuisuinut kajumissaarisimasunga, taamatuttaaq tusarniaasitsinerni akissutinik paasisutissanillu allanik inatsisissap suliarineqarnissaanut sioqqutsinerusumik Inatsisartunut ingerlateqqiisarnissamik Naalakkersuisut kajumissaassavakka. Aatsaat taamaasiornikkut inatsisissat Inatsisartut aqusaareerlugit Folketingimi pinngunnginnerini patajaatsumik sukumiisumillu suliarineqarnissaannik qulakkeerinnissinnaavugut.

Qujanaq.